

ՀԱԿՈՒՅՑԱՆ Հ. Վ. Տարագիր հայության հայրենիք վերադառնալու պահանջի պատմական ու իրավակազմի հիմքերը. Երևան, «Աստղիկ» Հրատարակչություն, 2002, 414 էջ:

Հ. Հակոբյանի գիրքը բաղկացած է ներածությունից, չորս գլուխներից (իրենց Համապատասխան ենթագլուխներով), վերջաբանից և մատենագրություն բաժնից: Առաջին գլուխը վերնագրված է «Հայրենիք վերագառնալու գաղափարը և նրա էվոլյուցիան», երկրորդը՝ «Հայրենիք վերագառնալու գաղափարը և սիոնիզմի դասերը», երրորդը՝ «Հայրենիք վերագառնալու գաղափարը և Հայ գատը պատմագրական առումով», չորրորդը՝ «Տարագիր Հայության Հայրենիք վերագառնալու պահանջի իրավական հիմքերը»: Կարծում ենք, գիտականորեն պարտ ու պատշաճ կլինի արծարծել այն հիմնական սրբաբանները և դրանց հարակից խնդիրները. որոնք կազմում են սույն գրքի էությունը և մանավանդ դրանց լուծմանն ու լուսաբանմանն ուղղված հեղինակի մտեցումները: Նման վերաբերմունքը գիտական առումով կարելի է հիմնավորված համարել:

Գլխավոր խնդիր ունենալով հիմնավորելու տարագիր Հայության իր առևանդված Հայրենիքը ետ ստանալու պահանջը, հեղինակը բարձրացրել, քննարկել և լուսաբանել է ներքո թվարկվող հարցերը՝ պայմանականորեն դրանք բաժանելով չորս խմբերի:

Առաջին խումբ. ժողովուրդների բռնի և Հարկադրական տարագրության Համառոտ պատմությունը Հնագույն ժամանակներից, դրա պատճառները և այս աղբյուրով Հայրենիք վերագառնալու գաղափարի վերապրած էվոլյուցիան. ըստ այդմ՝

ա) «Հայրենիք» Հասկացությունը ծագումը որպես պատմական կատեգորիա և նրա

անդը ժամանակակից միջազգային իրավունքում,

բ) Հայրենիք վերագառնալու գաղափարը Հին և միջին դարերում,

գ) Հայրենիք վերագառնալու գաղափարի զարգացման ընթացքը նոր և նորագույն ժամանակներում,

դ) Հայրենիք վերագառնալու գաղափարը բռնադադարի ենթարկված ժողովուրդների համար և Հայկական Հարցը:

Երկրորդ խումբ. Հայրենիք վերագառնալու գաղափարը և սիոնիզմի դասերը:

Երրորդ խումբ. Հայության Հայրենիք վերագառնալու պահանջը պատմական առումով և Հայ դատը.

ա) Հայոց Հայրենիքը և օսմանիզմի, պանիսլամիզմի և պանթուրանիզմի գաղափարախոսությունները,

բ) արևմտահայության Հայրենիք վերագառնալու գաղափարը և Թուրքիան թուրքացնելու քաղաքականությունը,

գ) Հայության Հայրենիք վերագառնալու պահանջը միջազգային պայմանագրերում, համաձայնագրերում և Հայ ազգային կազմակերպությունների որոշումներում և բանաձևերում,

դ) տարագիր Հայության Հայրենիք վերագառնալու հարցի պատմությունը ըստ XIX և XX դարերի դիվանագիտական փաստաթղթերի և պատմական իրողությունների:

Չորրորդ խումբ. տարագիր Հայության Հայրենիք վերագառնալու պահանջի հիմնավորումը միջազգային իրավունքով՝

ա) մարդու իրավունքների և հիմնարար ազատությունների տեսանկյունից,

բ) ինքնորոշման իրավունքի տեսանկյունից,

գ) պատերազմի իրավունքի տեսանկյունից՝ կապված բռնագաղթի և հայրենագրկության երևույթի հետ,

դ) միջազգային հանցագործություն կատարած պետություն միջազգային իրավական պատասխանատվության տեսանկյունից,

ե) քաղաքացիության հարցի տեսանկյունից:

Դժվար չէ նկատել, որ բոլոր թվարկված պրոբլեմներն ու հարցերը օրգանապես մի ամբողջություն են կազմում և սերտորեն շաղկապված են միմյանց հետ: Նշենք, որ գրանցից յուրաքանչյուրի լուսաբանմամբ էլ հեղինակը ամբողջացրել է իր նախընտրած թեմայի շարադրանքը:

Բոլոր թվարկված հարցերի հետազոտումը գրքում կատարված է պատմաքննական, փաստերի, իրողությունների և իրադարձությունների համադրման մեթոդով, հանգամանք, որը թույլ է տվել հեղինակին լիովին հավթահարել իր ձեռքի տակ եղած փաստական հարուստ նյութը, խուսափել շարադրանքի գուտ էմպիրիկ բնույթից, պահպանելով, սակայն, թեման իր ամբողջական տեսքով ներկայացնելու կարևորությունը: Հանրագումարում ստացվել է փաստառատ, բայց և վերլուծական բնույթի, շատ ու շատ կողմերով ուշագրավ մենադրական մի գործ:

Մենագրությունը շարադրված է ազբյուրագիտական հարուստ նյութերի հիման վրա: Հ. Հակոբյանի՝ հայրեն, ռուսերեն, ֆրանսերեն և անգլերեն լեզուներին ազատ ու սահուն տիրապետելը, նրան զրալապես օգնել է թեման շարադրել այդ լեզուներով առկա փաստական նյութի ըստ ամենայնի օգտագործմամբ, հանգամանք, առանց որի անհնարին կլինեք հիմնահարցի այսօրինակ ուսումնասիրումը:

Այլազան և այլալեզու են հեղինակի օգտագործած աղբյուրները՝ սկսած հույն, հռոմեացի և հայ պատմիչներից մինչև մեր

օրերի հայ և օտար հեղինակները: Հ. Հակոբյանը պատշաճ մակարագակով քննարկել և արժեվորել է թեմային առնչվող դրականությունը՝ մենագրական գործերը, հոգվածները, փաստագրական և այլ կարգի ժողովածուները՝ անհրաժեշտ նշանակություն տալով իր կողմից հետազոտվող այս կամ այն հարցը լուսաբանելիս գրանցից յուրաքանչյուրի կոնկրետ կարևորությունը: Մենագրության մեջ օգտագործված են նաև արխիվային նյութեր: Աղբյուրագիտական նյութերը հեղինակը օգտագործել է իր հիմնական թեմայի, այն է՝ տարագիր հայության հայրենիք վերադառնալու պահանջի պատմական և իրավական հիմքերի բացահայտման, տարագիր հայության իր առևանգված հայրենիքը՝ Արևմտյան Հայաստանը և Արևելյան Հայաստանից բռնագավթված հողերը ետ ստանալու համար: Այս ինդիքը հեղինակը հիմնավորապես լուծել է և լուծել է գիտական բարձր մակարագակով:

Եվ քանի որ սույն աշխատանքը սերտորեն առնչվում է նաև Արևմտյան Հայաստանի տարածքի հետ, բնական է, որ հեղինակը արծարծել է ժամանակակից քրդական շարժման խնդիրը: Նա գտնում է, որ Հայաստանը և հայ ժողովուրդը պետք է շուտով և արմատապես պարզեն իրենց վերաբերմունքը քրդական ազատագրական շարժման նկատմամբ: Հ. Հակոբյանը շեշտում է այն ճշմարիտ դրույթը, թե հրաժարվելով Արևմտյան Հայաստանի նկատմամբ տարածքային պահանջատիրությունից, մենք գնում ենք մեծ ռիսկի, որը էլ ավելի կբարդացնի Հայ դատի լուծումը ապագայում: «Քրդական ազատագրական շարժումը, որը ներկայումս գինված պայքար է մղում թուրքական բռնատիրության դեմ, հաջողության դեպքում կտիրանա Արևմտյան Հայաստանին, մանավանդ երբ հայերը իրենք հրաժարվեն իրենց հայրենիքից», - գրում է հեղինակը (էջ 399): Նա միաժամանակ չի մոռացել նշել այն երևույթը, որ արդեն միջազգային մամուլում և

հրապարակված որոշ քարտեզներում Արևմտահայաստանը, մինչև իսկ Արևելահայաստանի որոշ տարածքներ հիշատակվում են իբրև «քրդական»: Ավելացնենք, որ նույն կերպ են վարվել Մոսկվայում 1999 թ. հրատարակված «Քուրդիստան» գրքի հեղինակները: Քրդական շարժման կապակցությամբ նույնպես հեղինակը անհրաժեշտ է համարում բարձրացնել արևմտահայության հայրենիք վերադառնալու հարցը: Նշենք, որ մենք բաժանում ենք Հ. Հակոբյանի անհանգստությունն այդ առթիվ: Մնում է, որ հանրապետության բարձր ղեկավարությունն անհրաժեշտ հետևություններ անի դրանից, և ոչ թե Հայաստանը և հայ ժողովուրդը, ինչպես կարծում է հեղինակը:

Հ. Հակոբյանի գիտական բարձր մակարդակով կատարված ներկա աշխատությունն վերաբերյալ կուզենայինք որոշ հարցերում տալ մեր մոտեցումները: Ունենք որոշակի նկատառումներ հատկապես երկրորդ գլխի 4-րդ ենթաբաժնի առթիվ, որը վերնագրված է «Հայերի հայրենիք վերադառնալու հարցը և ինքնահայրենիքի Ռուսաստանը» (էջ 277–304): Այստեղ հեղինակի առաջ քաշած բոլոր մտքերի և դրույթների հետ չէ, որ կարելի է համաձայնել:

Հետևելով ռուս պատմաբան Սերգեյ Վոլկովին, Հ. Հակոբյանը նույնպես գտնում է, որ Թուրքիան եղել է Ռուսաստանի մշտական թշնամին, ավելացնելով «Սակայն Թուրքիան մնաց իբրև Ռուսաստանի «ազգային թշնամի» մինչև խորհրդային իշխանության հաստատումը, որի և քեմալական վարչակարգի միջև հաստատվեցին սրտագին հարաբերություններ» (էջ 279): Միշտ չէ, որ ռուս-թուրքական հարաբերությունները եղել են թշնամական և ոչ էլ սովետա-թուրքական հարաբերություններն էին մշտապես բարեկամական ու սրտադին: Հայտնի է, որ արդեն 1920 թ. նոյեմբերին Լենինը քեմալական շարժումը գնահատում էր որպես բուրժուա-նացիոնալիստական շարժում: Եվ ապա՝ XIX դ. 90-ական թվա-

կաններին, օրինակ, ռուս-թուրքական հարաբերությունները չես գնահատի որպես թշնամական:

Հեղինակի կարծիքով «Քեմալ-Լենին բարեկամությունը մի հարվածով ոչնչի հավասարեցրեց այն առավել կարևոր վաստակավոր, որն անմիջապես և ամբողջությամբ վերաբերում էր Հայ դատին՝ Ռուսաստանի ժողովրդական կոմիսարների խորհրդի դեկրետը «Թուրքահայաստանի մասին» (էջ 280): Նշենք, որ 1920–1921 թթ. այդ ղեկրեալի իրական արդյունքներն արդեն «առ ոչինչ էին» դարձրել և դա կապ չուներ Լենին-Քեմալ հարաբերությունների հետ: Ռուսական գործի դուրսբերումը Արևմտյան Հայաստանից, որին իրադարձությունների բերումով ուզեցին չուզեցին պիտի գնար ինքնահայրենիքի Ռուսաստանի կառավարությունը, արդեն այդ ղեկրեալի իրական արժեքը դարձրել էր «առ ոչինչ»:

Եվ առհասարակ, պետք է ընտելանանք մեկընդմիջտ հաշտվելու այն իրողության հետ, որ յուրաքանչյուր ազգային կառավարություն (այդ թվում նաև խորհրդային) նախ և առաջ լուծում է իր երկրի առաջ դրված խնդիրները: Հաշտվելով այդ ճշմարտության հետ, կղաղարենք մեր հարցերը անընդհատ այլոց միջոցով լուծելու խնդրողի դերից: Աշխատության 284-րդ էջում կարդում ենք. «Եվ այնուամենայնիվ, դեկրետով ինքնահայրենիքի Ռուսաստանի կառավարությունը ճանաչեց արևմտահայության հայրենիք վերադառնալու և նրա ինքնիշխան տերը դառնալու իրավունքը: Սակայն ցեղասպանության ֆոնի վրա այդ իրավունքի ճանաչումը հանրաքվեի միջոցով արդար լուծում չէր: Հետագա սերտ համագործակցությունը քեմալականների հետ ապացուցեց, որ հայ ժողովրդի ճակատագիրը ամենևին չէր հուզել Լենինյան ղեկավարությունը, որը որոշել էր հայերի ամենակենսական շահերը զոհել հանուն «համաշխարհային հեղափոխության», որի առաջամարտիկն էր համարում Մերձավոր և Միջին Արևելքում քեմալական Թուրքիան,

քանդի վերջինս պայքարում էր Օսմանյան կայսրությունը անգամահատելու Անտանտի փորձերի դեմ: Հանդես գալ այդ ժամանակավրեպ ե պարտություն մատնված կայսրության ամբողջականության պահպանման օգտին, նշանակում է խաչ քաշել թե Հայ դատի և թե արևմտահայության հայրենիք վերագառնալու վրա»: Ժամանակի պատմությունը իրագրել հետազոտողը չի կարող համաձայնվել հեղինակի այս մեղադրանքների հետ: Չպետք է մոռանալ, որ 1918 թ. խորհրդային Ռուսաստանն ինքը դռնվում էր ծայրակա ծանր սլամաններում, իսկ հետագայի նրա համաձայնությունը քեմալականների հետ թեթևորվում էր ռուսական խորհրդային պետության պաշտպանական շահերով, պետություն, որի դեմ կոպում էին անդլո-ֆրանսիական ուժերը: Այնպես, որ հիմնական ինդիքը ոչ թե համաշխարհային հեղափոխության ծավալումն էր, այլ նորաստեղծ խորհրդային Ռուսաստանի վտանգագրեթումը: Քեմալը կոպում էր նշված ուժերի դեմ և խորհրդային կառավարությունն էլ տվյալ պահին օդնում էր նրան: Կարծում եմ զարմանալու ոչ ինչ չկա, եթե չենք մոռանում մյուսների շահերը և չենք ղեկավարվում միայն զուտ ազգային հայրենասիրական պահանջներով:

Հ. Հակոբյանը շատ լավ գիտե, որ քաղաքականության մեջ մշտապես գործում են տվյալ պահի որոշիչ հանգամանքները կապված տվյալ պետության շահերի հետ: 293-րդ և այլ էջերում հեղինակը հայտնում է այն միտքը, թե 1920 թ. վերջերին խորհրդային Ռուսաստանի կողմից Հայաստանին օգնելու որպես նախապայման դրվում էր երկրի խորհրդայնացումը: «Բանն էլ այն է, — ասում է հեղինակը, — որ գլխավոր նպատակը վերջինն էր (այսինքն Հայաստանի խորհրդայնացումը — Վ. Մ.), որը խորհրդային Ռուսաստանին թույլ չէր տալիս ոչ միջամտել հայ-թուրքական պատերազմին և ոչ էլ օդնել Հայաստանին ետ մղելու թշնամուն, քանզի թուրքերի հաղթանակը Հայաստանի խորհրդայնացման նախապայ-

մանն էր պարտված Հայաստանի անկանխի վիճակը կստիպեր դաշնակցությանն իշխանությունը զիջել հայ բոլշևիկներին, ինչը և տեղի ունեցավ»:

Մենք մի կողմ ենք թողնում հակասական այս մտքերի պարզաբանումը և կուզենայինք պարզից էլ պարզ դնել արմատական այն հարցը, որ եթե այն ժամանակ (1920 թ. ապրիլ-մայիսին) դաշնակցության ղեկավարությունը ընդունեք Հայաստանի խորհրդայնացման կուրսը (որը նա կատարեց մի քանի ամիս հետո), ապա Հայաստանի մեջ կմնային թե՛ Նախիջևանը և թե՛ Ղարաբաղը. այդ հեռատեսությունը նա չունեցավ: Մի գյուղագիր Նարիմանով ասվելի խելոք գտնվեց, քան մեր բարձր ուսույալները: Ամիսներ հետո Հեղրանի հետ բանակցելիս արդեն Ռուբեն Տեր-Մինասյանն ինքը ստիպված էր դնել Հայաստան Կարմիր բանակի մուտքը արագացնելու հարցը: Համաձայնվելով է. Ջուրաբյանի այն ճիշտ մտքին, որ եթե Հայաստանի Հանրապետության կառավարությունը ժամանակին «ընդառաջ գնար անխուսափելիին» (այսինքն խորհրդայնացմանը — Վ. Մ.) և Կարմիր բանակի զորամասեր հրավիրելու Հայաստան, ապա կարող էր լուծել ազգային որոշ խնդիրներ, Հ. Հակոբյանը տեղն ու տեղը գրում է, թե թեև դա փրկության միակ ելքն էր, բայց չէր լուծում տարածքային խնդիրները, քանի որ խորհրդային ղեկավարությունը մերժել էր Սևրի պայմանագիրը (էջ 296): Բայց այդ օրհասական պահին մի թե առաջնայինը եղածը պահպանելը և ժողովրդին փրկելը չէր:

Ամփոփելով մեր գիտողությունները, ստիպված ենք կրկնել այն հանրահայտ իրողությունը, որ 1920 թ. նոյեմբերին միայն խորհրդայնացման միջոցով հնարավոր եղավ Հայաստանից դուրս քշել քեմալական զորքերին և երկրի գոնե այս մասն ու նրա բնակչությունը փրկել անխուսափելի կործանումից, որն արդեն ձեռնարկել էին այսպես կոչված հեղափոխական քեմալական զորքերը:

Ինչպես տեսանք, մեր դիտողությունները վերաբերում են աշխատության երկրորդ գլխի 4-րդ՝ «Հայերի հայրենիք վերադառնալու հարցը և Նորհրգային Ռուսաստանը» ենթարամնի մի քանի հարցերին և դրանք, իրոք, չեն ազգում գիտական այն բարձր կարծիքի վրա, որ ունենք Հակոբ Հակոբյանի «Տարագիր Հայության հայրենիք վերադառնալու պահանջի պատմական և իրավական հիմքերը» մենագրության վերաբերյալ: Հ. Հակոբյանի աշխատությունը

նորություն է մեր պատմագիտական գրականության մեջ: Հեղինակի առաջ քաշած դրույթները և դրանց քննական շարադրանքը, աշխատության մեջ ընդգրկված տարալեզու և տարատեսակ ծավալուն նյութերը, դրանց ըստ ամենայնի լուսաբանումը վկայում են նրա կատարած ծավալուն աշխատանքի մասին, որը պատմաքննական լուրջ հետազոտություն է, և հետևապես կարևոր ներգրում մեր պատմագրության մեջ:

ՎԱՐԴԳԵՍ ՄԻՔԱՅԵԼՅԱՆ